

**3rd CHUUK STATE LEGISLATURE  
Weno, Chuuk State  
Federated States of Micronesia 96942**

**JOURNAL OF THE CONSTITUTIONAL CONVENTION**

38TH Day (Tuesday) July 20, 2004 2:30 p.m.

**CALL TO ORDER**

President Noket: Neanowas annim ami meinisin. Mwiich a poputa. Sipwe ne fofono ren iotek. Iei fansoun.

**SILENT PRAYER**

Emon me emon Delegate a iotek non monomon.

President Noket: Sipwe tungor ngeni Secretary epwe koko it.

**ROLL CALL**

Convention Secretary a kokori iten emon me emon Delegate. Ukukun Delegates mei present 11; 2 rese nom. Mwiich mei quorum.

President Noket: Kinisou chapur Secretary, a wesewesen wor quorum. Iei fansoun sipwe aea ei item won na order of business, adoption of the journal. Floor Leader Harper.

Floor Leader Harper: Kilisou chapur Mr. President, ua fori motion pwe mwichelap a atiwa journal-un 7/13 me 7/09/04. (Motion seconded)

President Noket: A amokut a pwan seconded pwe mwiichenap a etiwa journal July 13 me July 9, 2004. Chon tipew ngeni apasa U, chon rese tipew apasa Apw. A pass ewe motion. Osupwang Floor Leader.

Floor Leader Harper: Enletin 09, ika 19.

President Noket: 09. Iei fansoun order of business item 5, communication. Secretary Convention.

Convention Secretary: Mr. President, ekkena communications 3-08 me 09. Ena 3-08 echo kapiin ewe resolution ewe declare ini Delegate Ruda a incapacitated, due to by reason of illness. Communication 3-09, e address the need for legal opinion on section 15, subsection 1 of the Law that enact the Constitutional Convention, 7-03-06.

President Noket: Mei wor en communication seni ewe Election Commissioner ren na 3-08, fan asengesin ponuen noch we taropwe, nge ena 3-09 ach tungor legal opinion seni ewe Attorney General, Chuuk State, ren ewe clarification of any amendment. Ika ese wor memef won ena communication, Floor Leader Harper.

Floor Leader Harper: Kilisou Mr. President, ren na communication 3-09, met mei wor timeframe won tungor ngeni AG an epwe tongeni ponueni noum we taropwe.

President Noket: Ese wor timeframe, Floor Leader. Sichok tungor an epwe amwitiri ponuan nei na taropwe. Ika pwe ese wor kapas eis sipwene angangeno won order of business ren unfinished business. Sipwe nom won second reading. Floor Leader Harper.

Floor Leader Harper: Kilisou Mr. President, ita upwe chok tungor Secretary affata kich ika met status won.

President Noket: Secretary, kopwe emweni mwichenap ika ian sia tik ian ren ei eu proposal.

Convention Secretary: Mr. President, mwiich a resolved into committee of the whole, a wor discussion murin a rise iwe murin chok an rise a wor motion ren adjournment, ese mwo wor soposoponon angangan an epwe wor oral report me pwan action epwe continued won ei mettoch. Met mei still outstanding epwele wor soposopolo angang won second reading, in plenary.

A wor asoso me ren President. Mwiich a pwan niwinsefan.

Chairman Mori: Mr. President, ua amokutu pwe ewe rule epwemwo suspend ren written report. (Motion seconded)

President Noket: A amokut a pwan seconded pwe epwe mo suspend nouch we rule, e require ini written report ren an Chairman Mori epwe mwo chok brief ini. Chon tipew ngeni ewe motion apasa U, chon rese tipew ngeni apasa Apw. A carried ewe motion. Chairman Mori.

Chairman Mori: Mr. President, kinisou chapur, ngang upwe pwan amusomus ngeni achengicheng Delegates meinisin fan asengesin a tam fansoun ach we committee of the whole mwiich, iwe eni esap unusoch met ngang upwe ani report ikenai. Ren chok met ngang upwe tongeni apasa non ititin pwe eu report. Ekkewe chon ika proponent won ewe proposal ra apasa weiresin ar repwe katonong ren proposed amendment through ewe popular initiative, iwe ra mochen epwe mecheresino angangan epwe tongeni ei amendment. Pwan soposoponon usun mei katonong ren emon ekkewe delegate chon support ini proposed amendment a pwan apasa nge non ewe fansoun ekkewe framers ren nouch original constitution ra nenengeni ewe aukukun aramas non ewe fansoun ewe 25% mi pwan arapakan nono ngeni chok en ukukun 5% ren iteiten aramas ren ikenai. Ren na wewe, ina wewen ra support ini ei ekkesiwin an epwe siwin seni ewe 25% ngeni 5%. A pwan wor pusin an ewe colleague seni an we region e opposed ini ei men, e wata nge a pusin apasa ren fan iten ekkewe framers non nouch ei constitution rese mochen epwe mecheres sakkun ekkesiwin epwe tonong. Ach nenengeni nge ewe e ese tipew ngeni ei proposed a mochen epwe chok stay won ewe 25%. Iwe pwan soposoponon Mr. President, ngang upwan mochen upwe wanong

eu auchean eu example ren ekkewe proponent won ei proposal, ren ewe pik semer we e wanong ren noun kewe repwe ochoch, a wor ekkewe mei towaweno a pwan wor ekkewe mei kaneto a pwan wor ekkewe rese nom won ewe fonu ewe semenap mei nom won me ewe pechen pik, iwe a tou ewe order me ren ewe semenap pwe repwe ne etto angei ochar we pik nge repwe chok ochei non ewe ranin, iwe ekkewe mei towaueno rese tongeni ar repwe tongeni angei ochar ewe pik, pwan ekkewe mei kineto, rese pwan tongeni ochei pokiten ir mei pwan towaw seni pwan ewe fonu, ina mwo ika ir mei pwan kaneto seni ekkewe mei kon towaw. Nge ekkewe re nom won ewe fonu ra tongeni repwe ochei ewe pik pun ir mi nonometa ren ewe semenap ika re nonom won ewe fonu. Ei illustration a katonong fan asengesin ekkewe chon rese tipeew ngeni ei proposed amendment fan iten an epwe kinetiw nukanapan ewe 25% nge ra mochen ar repwe compromise nge repwene kinenong nefinen 25 me 5. Iei wewen a katonong ei illustration ren ewe emon delegate I a mochen epwe pusei pun ei 40% as proposed epwe ina an ewe committee recommendation fan asengesin ei proposal. Ika pun usap mwanino Mr. President, mei I taitap chon opus, chon tipew ngeni nge usun ekon pochokun ngeni an ekkewe proponent won ei proposal push ei an epwe iei an ewe committee recommendation ngeni mwiichenap. Kinisou chapur Mr. President, meni ina ukukun ngang upwe tongeni report ei.

President Noket: Ika mei wor kapas eis won ewe report. Floor Leader Harper.

Floor Leader Harper: Kilisou Mr. President, ua fori motion pwe plenary a etiwa ewe report seni ewe committee of the whole. (Motion seconded)

President Noket: A amokut a pwan seconded pwe mwiich a etiwa report. Chon tipew ngeni apasa U, chon rese tipew ngeni apasa Apw. A carried ewe motion. Iei fansoun sipwene angang won ena proposal 3-11 non aruwan anne. Iwe me rei sa niwiniti plenary. Upwe tungor ngeni Secretary epwe emweni mwiich ren ach sipwe weweiti.

Convention Secretary: Mr. President, Committee Proposal No. 3-11, To amend section 1(b) of Article XIV of the Chuuk State Constitution, relating to petitioning a proposed amendment to the constitution.

President Noket: Iei fansoun discussion. Floor Leader Harper.

Floor Leader Harper: Mr. President, ua fori motion pwe mwiichelap a atiwa ena Committee Proposal No. 3-11 won second reading. (Motion seconded).

President Noket: A amokut a pwan seconded pwe mwiichenap a etiwa Committee Proposal No. 3-11. Iei fansoun discussion. Floor Leader Harper.

Floor Leader Harper: Kilisou Mr. President, ngang upwe chok pwal sopweilo ne pwarata usun ai pesei ei proposed amendment ika ei CP NO. 3-11, fan iten ekkewe wewe a fen affata me lon ewe report seni ewe chairman non ewe committee of the whole. Iwe ngang ia pwal research won masowan nouch ei constitution ikenai, iwe ia

pwal kuna pwe mei wor eu provision me lon ewe article a wenengeni pekin executive are pwal legislative iwe a fen affata lapalapaen are aukukun percentage epwe tongeni kawor ren recall ren Governor me Lt. Governor are members of the Legislature iwe met ia kuna pwe ewe percentage requirement ren na eu process, iwe efen kukkun seni 25% pwe ren Governor echok 15% e require ini an aramas repwe recall ini ewe Governor iwe a tongeni tou ika pwe mei ponueta unusan masowan ekkewe requirement. Lon ai ia nenengeni pwe katoun emon Governor ika Lt. Governor ika members of the Legislature ekon auchea me mwan ei proposed amendment ngeni masowan ei constitution. Met popun me wewen e auchea pun fansoun aramas repwe atou ewe emon nouwiis ren Governor ika Lt. Governor ika members of the Legislature, iwe ngang mei kuna pwe epwe esilipato osukosukan ewe state government, epwe esilipato osukosukan lefinen aramas, iwe chommong sakkopaten osukosuk mei tongeni tota iwe ina mwo nge ekkewe framers rechok watiw won 15%. Iwe nge ei proposed amendment through popular initiative use mwo kuna ew alal ei state government epwe ani osukosukan, use pwal kuna an aramas repwe fifiu fongon ika ekkoch aramas ra propose ew amendment through that process, nge ewe ew mi fen anukumong pwe nonomun chon Chuuk ma sise kon pwal liel weweiti ekkei angang an chon Merika, kich mi kan fen muttir ika pwe a fis och mettoch ngeni aramasach, iwe nge yet as I said ekkewe framers of the constitution refen okukunatiw chok won 15, e kisikis seni ewe 25, iwe ina mine uwa nenengeni pwe eli emi auchea an epwe wor ew proposed amendment through public inisitive nge epwe fen kisikis seni 15% pwe ese wor ousukosuk ngeni ach ei government, ese pwal wor ausukusuk ngeni nefinen aramas, ika fen nonomun aramas. Ren na wewe Mr. President ia fokkun tutungor non kechiwen netipei ngeni kemi delegates meinisin lon ami oupwele fitiei le passini ei proposed amendment ngeni constitution pwe epwe lamot ach sipwe ereni aramas pwe iei ami pwal ewe right ami oupwe tongeni aea lon fansoun me fanoush, nge repwe tongeni aea pwe mi mechères, nge ika sa erenir pwe iei ami ei pual pwung oumi pwal tongeni aea, nge sa aweiresir, iwe pwal liwiliti chok ewe pik ekkewe mi towawolo rese tongeni repwe ochei. Kilisou chapur.

Mr. President Noket: Chairman Setan,

Chairman Setan: Kilisou ngonuk Mr. President me delegates meinisin, ngang mi wor ai comments won ei proposal on final reading, pokiten ewe awewe seni ewe chairmen-un COW, a affata pwe ei proposal mi usun epwe chow ngeni ekkewe proponent iwe pwal at the same time mi pwal aweweni pwe mi pwal wor ekkewe rese ien tipeew ngeni, ekkoch ai luku pun napengeni leich si mi sani epwe wor kasiwil, pun lon ewe awewe pwal fiti ekkewe awewe seni ekkewe proponent meinisin mei pung, napwa ew ren an epwe tongeni atawei ai anean pwe sipwe ekis achchou ngeni ewe proponent nge pwal ekis ngeni ekkewe rese tipeew ngeni, lon na wewe Mr. President ngang uwa tingor pwe ach we, ika fori motion pwe ewe rules of e requireni written amendment epwe saspen ren. Second.

Mr. President: A mwokut a pwan second pwe ewe rule e requirini amendment epwe in writing epwe mwo suspended, ren an epwe wor amendment orally, Chairman Setan.

Chairman Setan: Kilisou Mr. President, lon ai we awewe,--

Mr. President: Omusalo sipwe, asoso mwich.

Mwich a asosono. Mwiich a pwal soposopono.

Mr. President : Sipwe vote won ewe motion, motion ika mi tipeew ngeni, chon tipeew ngeni ewe motion apasa U, chon rese tipeew ngeni apasa Apw, a carry ewe motion, ka tongeni re-statini om na motion, iko o amendment.

Chairman Setan: Kilisou Mr. President, si poraus won 25%, a pwal wor awewe seni floor leader pwe ewe 15% meni epwe kukkun seni, lon na wewe ngang ia fori pwe floor amendment epwe kasiwil seni 5% ngeni 10%.

Mr. President: A mwokut a pwal second pwe ewe 5% epwe amended ngeni 10%. Iei fansoun discussion won ewe amendment. Chairman Mino.

Chairman Mino: Ngang uwa mwo yield ai we floor ngeni Floor Leader pwe I ekon neuomong ne kori itom.

Mr. President: Floor Leader.

Floor Leader Harper: Kilisou chapur Mr. President, upwe pwarata mefiei won ewe akkesiwil seni 5 ngeni 10, ai use fokkun tipeew ngeni, alongolong chok won ew popun me wewen, popun me wewen ai ise tipeew ngeni pun usun nge mi nom nefilen weires me mechères, iwe ia awewen ngeni emon aramas ika emon mwan a ekieki pwe I emon souleng, nge mi chok chiwen mwochiti fonufan, iwe met a for, a resin purata pechen lang, nge pwal efoch won ei fonufan, iwe a weires pwe a puta ikan nge putiw ikan, are sipwe fen pwal fori ew line iwe a ipwelo ikan, ipwelo ikan, a fetal a fet, a tingaw le fetal, pun mi mechères nge mi pwal riaffou, kilisou chapur.

Mr. President: Chairman Setan.

Chairman Setan: Kilisou esap pwal ren ai ipwe anini, nge mi pwung met ewe floor e era, ngang I mochen sipwe iei, ekkewe chon mochen repwe etta lang, ekkewe chon mochen re lom fan, iwe I mochen sipwe lom, ekkewe re chiwen akiék, ika repwe eta won ika repwe etiw fan. Kilisou.

Mr. President: Ese pwal wor discussion. Ika ese wor discussion sipwene uttut won ena amendment, ewe amendment, Chairman Stephen.

Chairman Stephen: Kinisou chapur Mr. President, me mwen ach sipe vote won ena men, ngang upwe chok pwan wanong mefiei won ena issue ena proposal, ika e wor kofesen, ngang emon mi wor ai reservation won ena proposal ngeni ena men anonganong won ekkei wewe, tirow won ewe Floor ren an illustratini ika use ewe remover ika recall of the governor, ekkewe nouwis, as compare ngeni ei petition

employee popular inisitive pwata epwe sokofesen pwata epwe mecheres removing of the governor ika senator nge epwe to weires amendment ren popular inisitive, me rei mi wor wewen me nukun ai use reference ngeni Journal, mi wor pwan ma l'ewe impeachment process ren removing of nouwis me met, nge ren amendment ngeni constitution iwe ita ma noch kewe framers re ekieki esea mecheres ach feinfein-no non ekkei fansoun as time passes on, iwe society epwe fen l'become more complicated, I think much of the people epwe pwan wesewesen pochokuneno ina nge epwe wor ach ei system si fori an esap ma kon pwan mecheres osukosuken ei Supreme Law non ach ei Constitution, me rei population a increases so does the demands of society me metekan political issues epwe pwal weiresino, aramas ra tipachemeno, epwene men ma mecheres ami imput lon ach ei system of government. Nge ngang won inisi an epwe chok fat lon record pwe ngang mi wor, u chok mochen current language. Kinisou Mr. President.

Mr. President: Floor Leader Harper,

Floor Leader Harper: Kilisou Mr. President, lon ewe wewe delegate Stephen a pwarata, iwe wewen pwe l'ese mwo supportuni ewe akkesiwin seni 5 ngeni 10 ika met?

Mr. President: Met ma om reading, usun. Iwe ika ese chiwen wor memef sipwene uttut won ewe motion ika ewe amendment, ewe akasiwin ngeni ewe 5% ngeni 10%, chon tipeew ngeni ewe amendment apasa U, chon rese tipeew apasa Apw, sipwe pwal uttut sefan, chon tipeew ngeni ewe amendment an epwe akasiwin ewe 5% ngeni 10% apasa U, chon rese tipeew apasa Apw, division of the convention. Iwe sipwene katipow, chon tipeew ngeni, met om na osupwang floor leader Harper?

Floor Leader Harper: Me mwen ach sipwe vote, io kewe rese aitieta pour, titipei pwe noch rules e era silent means negative.

Mr. President: lei fansoun swipe ne aitipow, chon tipewe ngeni ewe motion an epwe siwin ewe 5% ngeni 10% aiteieta poumi. 4, fomon, chon rese tipew ngeni aitieta poumi, chom rese uttut,

Secretary Paul: Mr. President, chon tipew ngeni, nimon, 5 chonrese tipew ngeni, fomon 4, emon ese uttut. Mr. President, ika en mi pual vote pun en mi tipew ngeni, iwe chon aitieta pour ngeni tipew ngeni, onomon 6, chon aitieta pour ngeni rese tipew ngeni, fonmon 4, chon rese aitieta pour emon 1.

President Noket: a carry ewe motion,

Mwich a mo asosono, Mwich a pual ninwinsefan.

President Noket: Soposopono won unusen ewe Proposal fiti ewe amendment mi pachenong, ewe 10%, ika mi chiwen wor an mwich discussion won ewe Proposal fiti ewe amendment.

Chairman, Mino.

Chairman Mori: Kinisou Mr. President, ngang ii upwe pual chok uwei pual ekis ai memef ren met ewe floor leader a wanong me mwan, pwe ewe pig iei anom nukanapwen fonu, ok ewe fonu nukanapwen ekkewe ruu fonu, iwe ufen pual ii ekieki ika epwe fen ngawono, ponowno ewe pig. Iwe, nge ewe chon comforting thought, a ekis mecheresino mwe mwen ewe 25%, ina ren ii uwa tингор sipwene koukutiw poraus won ei me, sap ew motion ei pwe ew chok tingor. Kinisou Mr. President.

President Noket: Floor Ldr. Harper:

Floor Ldr. Harper: Mr. President, kinisou Mr. President, e pwarata mefiei won ei Proposal as amended, ai uwa fokkun ani tipemwaramwaran pokiten ia nenengeni a fis non ei fansoun, a usun nikinikin ewe uwekisin non bible ei era cool, warm, pwichipat, ika pwe emon souneng a pwichipat, iwe met bible eura? Epwe kikiu me non awan emon newe, ina pwata uwa weires ren pwe ifen mochen epwe weires, weires, mecheres, mecheres, nge ei a nonom non na uwekisin, pwichipat weires, mecheres, kinisou.

President Noket: Del. Williander

Del. Williander: Kinisou Mr. President, ita upwe chok ii pual poraus ekis, met popun ai we fiti ewe 5% ese siwin ai ekiek, use sinei ika epwe sokkono mefiei seni delegates meinisin, nge ew popun me wewen, ufen sani aramas repwe mecheres, nap seni an aramas repwe weires, ita io epwe sani weires, meinisin sani mecheres, ina popun me wewen merei, ufen suuk ngeni aramas sise sinei nonomun nesor me ponon, met epwe fisingeni masowen non noch ei constitution, sisap sinei met epwe ekkesiwin me non, esap chiwen tongeni, nge epwene weires fanasengesin, aramas rese tori mon percentage. Inapun ngang u fiti ai we collgeau, ren floor leader, Harper, ne nomutiw won ewe 5%, kinisou chapur.

Mwich a mo asosono, mwich a pual niwinsefan.

President Noket: Mwich a soposopono discussion won ewe, Proposal fiti amendment, Chairman Sitan.

Chairman Sitan: Kinisou Mr. Persident, upwechok, ika sii pwar ngeni mwich ren ekkewe anapanap are iwe e fiti ai ei 10% ukukun chon repwe tongeni petitionni chochon pwe 3,700. iwe ika e fiti ewe 25%, met ren ei current word iei, 9,400.00, non na wewe ai nuku a men chow ren ei ikkenai, ewe amendment ouwa dapinanong non fiti percent wate almost 70%, kiniou.

President Noket: Floor Leader Harper

Floor Leader Harper: Ia fori motion pwe a koukutiw discussion.

President Noket: A mokut a pual second, pwe a koukutiw anini won ewe Proposal. Chon tipew ngeni pwe a koukutiw anini, apasa UU, chon rese tipew ngeni

apasa apw. A kaukutiw anini won ewe motion, iei fansoun sipwene uttut, Upwe tingor ngeni ewe secretary epwe ne koko it, chon tipew ngeni repwe apasa, uu chon rese tipewe ngeni repwe apasa apw, ika io ese uttut iwe epwe go to the negative. Met om na osupwang Del. Sirom.

Del. Sirom: Fan fitu epwe koko iten emon?

President Noket: Fan ruu, poputa secretary ne koko it.

Secretary Paul: Mr. President, pungu uttut won Committee Proposal No. 3-11, chon apasa yes 6, chon apasa apw 1, chon rese uttut, iwe 4 rese uttut, remi chon silent ar uttu.

President Noket: Ese pass ewe proposal, sipwe soposopono ach angang, Chairman Mino,

Chairman Mori: Omusano Mr. President, ren an epwe clear ngeni ei second reading, an epwe tongeni pass?

President Noket: Ten 10,

Chairman Mori: Kinisou chapur, ena mi chok pual pachenong ika ena mi pual chok include ekkewe fourteen 14, ren ewe 14 delegates congress. Kinisou

President Noket: Sipwene angang won item 7 won na order of business. Standing Committee Reports No. 3-04. met om na osupwang floor,

Mwich a asosnono, mwich a pual niwin sefan.

President Noket: lei kich mi nom won SCR. No. 3-04A, floor leader Harper,

Floor Leader Harper: Kilisou Mr. President, use kon lien weweliochuiti ika, sa mochen sipwele pual aniwini ei report ika?

President Noket: Met mefien mwich? Chairman Stephen

Chairman Stephen: Kinisou Mr. President, ngang upwe fokkun tirow woch meinisin, pual fiti omusomusen weiresin ach sipwe weweiti ei report, nge upwe pual pwarata ennetin ach achocho ngeni an epwe niknikoch me mwen mesach, nge esap pual iei ururun turun tipen ach we committee an epwe aweiresi, nge anonganong won, the situation, ika complication won ekkei issues re address non ei Judiciary Branch, ika oupwe read in its entirety, iwe they're inter related. From section 1 all the way down to the last section. Mostly Section 5, Section 7, Section 9, you cannot address one separate from the other base on ekkei three Proposal e face-ini ei Convention. Akaewin, for instance, 3-04 Delegates Proposal, I'm sorry, omusano uwa out of order.

President Noket: Sipwe asoso.

Mwich a asoso. Mwich a puan niwinsefan.

President Noket: Mwich a popusefanita. Floor Leader Harper.

Floor Leader Harper: Kilisou chapur Mr. President, are esap puan wor tipengaw meren ewe committee, uwa fori motion pwe ei report epwe ne mo pual niwinsefaliti ewe committee. Second.

President Noket: A mokut a puan second pwe ei Committee Report epwene mo puan niwinsefaniti ewe committee ar repwe angang won with the instructions ar repwene combineni nour we proposals won eu, proposals nge re submit fengen me ewe report ach sipwe tongeni angang won. Chon tipee ngeni ewe motion apasa U. chon rese tipeew ngeni apasa Apw. Aketiw ewe motion. Ei Committee Report epwe niwiniti ewe Committee ar repwe angang sefan won. Iei sipwe ne angang won ewe Standing Committee Report 3-16, Secretary kopwe mwo emwenikich won ena Committee Report.

Secretary: Mr. President Standing Committee Report 3-16 fan asengesin an omw we committee won General Provision angang won Delegate Proposal 3-17, ina mi afatetiw titleun lon ena report. Puan pusin met kokotun an recommendation me an angang.

President Noket: Kose mochen kopwe apasa sefani metewe ke apasa, Secretary. Ika ka echik.

Secretary: Mr. President Standing Committee Report 3-16, a aporausa an omw we committee won General Provisions angang won Delegate 3-17.

Chairman Nifon: Mr. President.

President Noket: Chairman Nifon.

Chairman Nifon: Mr. President uwa fori motion pwe mwich epwe angang won Standing Committee Report No. 3-16.

President Noket: Ese wor e secondni ewe motion?

Del. Sirom: Second.

President Noket: A mokut a puan second pwe mwich epwe etiwa an epwe angang won SCR No. 3-16, iei fansoun discussion. Chairman Nifon.

Chairman Nifon: Kilisou Mr. President, usun met a fen afat seni noch we Chief Secretary won ena report fan asengesin ar repotei omw committee won GP

angang won ena eu Del. Proposal 3-17. Ewe ra pacheta eu section - minafon section non Article 11, non nouch uwe Constitution non Chuuk, an epwe aworata ew pekin Chuuk Marine Commission, an epwe sokurioni sap, sokurioni och, sokurioni fourup, non ew me ew ekkewe Municipality, Mr. President, emon me emon ekkewe delegates member repwe nenengeni ena report, met emon me emon member a mafi nge epwe wanong, epwe aochueno ach na report, ach we Committee mi etiwa, ina popun ngang ua - kinisou chapur Mr. President.

President Noket: Chairman Rosokow.

Chairman Rosokow: Ena intentonun ena proposalha 3-16 echok kapsasen tideland. Ese pual kapasen Muto, ese pual kapasen Ooch, iwe weti pwe upwe - en report a ekis expand won ekkena, nge oupwe weweiti ren ena intention. Ena intention echok focus won tideland. Tideland -lolo -lolo chok nge esepwal angolo won ooch me muto.

President Noket: Chairman Stephen,

Chairman Stephen: Kinisou Mr. President, ese net ika nei ei Constitution e mwan ika, an ei era to enact Section 10, under Article 11.

President Noket: Ewer, mei wor ena sokofesen, e era Section 10, nge esewor Section 10, non na Article 11, ena Article 11, echok mwuch won section 7, nge mi wor pual ekkewe Proposals me akkomw.  
Ewer, Chairman Nifon,

Chairman Nifon: Mr. President, mei wor, mei wor fitu Proposal mi katonog seni ewe introducer Delegate Rosokow, mei oku ngeni ena Article 11, e pacheta minafon Section 8, 9, 10, 11. Ena 3-17, ina e wenengeni om we Committee won General Provison. Ach nuku pwe epwe pual wor ekkewe, mei wor pual ekkewe fitu delegates proposals mei ai pual nuku pwe mi pual sokono, ita ururun ita epwe fen chon consoledated into one. Om we Committee re fori ew me ew seprate.

President Noket: Mwich epwe mo pual ekis asoso.

Mwich a asosono, mwich a pual niwinsefan.

President Noket: Mei pung, mi wor, iei fansoun soposopono discussion won ewe Report, Floor Leader Harper,

Floor Leader Harper: Kinisou Chapur Mr. President, ai nuku ei report a men fatafatoch, nge amo ita esap wor tipengaw, nge uwa aukatiw poraus won. Second.

President Noket: A mokut a pual second pwe a koukutiw anini won ewe report, chon tipew ngeni ewe motion apasa uu, chon rese tipew ngeni apasa apw, a koukutiw anini won ewe report. Chon tipeew ngeni - omusano a ketiw ewe report.

Sipwe angang won Committee Report .NO. 3-17. Sipwe mwo asoso.

Mwich a asoso. Mwich a puan popousefan.

President Noket: Sipwene vote won ewe motion ren a koukutiw anini sipwene vote won we report. Chon tipeew ngeni pwe mwich a etiwa ewe Committee Report No. 3-16, apasa U, chon rese tipeew ngeni apasa Apw. Akatiw ewe Committee Report No. 3-16. Iei sipwe ne angang won Standing Committee Report No. 3-17, secretary kopwe mwo puan aneani ika emweni mwich, ren na Committee Report.

Secretary Paul: Mr. President, Committee Report No. 3-17, a porausa an omw we committee won Governmental Structure and Functions angang won ekkewe Del. Proposals mi assign ngeni won ewe Legislative branch ren DP38,39, 40, 49, 53, 54, 62, 70, 77.

President Noket: Chairman Stephen.

Chairman Stephen: Mr. President, ua fori non motion pwe mwich epwene etiwanong ei report ach sipwe angang won. Second.

President Noket: A mokut a puan second pwe mwich a etiwa an epwe angang won ei Committee Report No. 3-17.

Floor Leader Harper: Mr. President.

President Noket: Floor Leader Harper.

Floor Leader Harper: Kinisou chapur Mr. Presient, ewin umochan upwe pwarata ai fakkun mwareiti me ingeiti ei report an a tongeni combineni ukukun 1,2,3,4,5,6,7,8,9, tiwacho proposal. Iwe ua fakkun puan ingeiti me mwareiti chon ewe committee ren ar nikitu, angoch ne fori wiser mi akuno seni ei convention. Ina popun ngang won unikapei ika mwo ese naf ai aleani ei report, nge pokiten ai tongei ei committee lon ar achocho, me likitu, uwa fakkun alean pwe amwo mwichelap repwe pual fiti ewe committee ne passni ei report mi fakkun langatamat. Kilisou chapur.

President Noket: Soposopono chok poraus won ewe report. Floor Leader Harper.

Floor Leader Harper: Mr. President, ai luku chommong me leich sia fakkun mefi apwangapwang, ina popun ika esap wor tipeengaw, uwa fori motion pwe a koukutiw poraus won ei report. Second.

President Noket: A mokut a puan second pwe a koukutiw anini won ei proposal, ei Committee Report. Chon tipeew ngeni ewe motion apasa U, chon rese tipeew ngeni apasa Apw. Aukutiw anini won ei Committee Report. Iei fansoun sipwene utut. Chon tipeew ngeni pwe mwich a etiwa CR No. 3-17, apasa U, chon rese tipeew ngeni apasa Apw. A ketiw ewe CR No. 3-17.

Floor Leader Harper: Mr. Presient.

President Noket: Floor Leader Harper.

Floor Leader Harper: Pokiten mwichelap a fakkun mefi apwangapwang, achik iei mine ika esap wor tipengaw, ren monun nemwich, ua fakkun fori motion lon kechiwen letipei pwe mwich epwele mwo pual sarelo ren ikenai, sipwap pual liwinsefal kulok 2:00 lesor. Second.

President Noket: A mokut a puuan second pwe pokiten Floor Leader Harper, ika chon mwich ra mefi apwangapwang ren echik, mwich epwene mwo sarelo epwap puan niwinsefal kulok 2:00 nesor murin neanowas. Chon tipeew ngeni apasa U, chon rese tipeew ngeni apasa Apw. A carry ewe motion. Mwich a sar.

Katonong seni,

---

Hernak Paul  
Secretary  
Third CSCC